


# Kalapana

Ke Keiki Ho'opāpā o Puna


Puke 1



Ho'opuka 'ia e Ke Ke'ena Kaiapuni  
Kaha 'ia nā ki'i e Dukie Akioka




No Kona, Hawai'i 'o Kānepōiki, he kāne. No  
Kaua'i 'o Halepākī, he wahine.



'O Halepāiwi lāua 'o Halepāniho ko Halepākī mau  
kaikunāne. 'O Kalaoa kona kaikua'ana. 'O Halepākī  
ka muli loa. He ho'opāpā ka welo o ka 'ohana.




Hala kona mau mākua ma mua o ka paʻa ʻana o ka  
ʻike hoʻopāpā a pau iā Halepāki. Ua neʻe aku lāua ʻo  
Kalaoa i ka mokupuni ʻo Hawaiʻi a noho ma laila.




Noho pū 'o Kānepōiki lāua 'o Halepākī a kauhua  
'o Halepākī i ke keiki.



Ku'i ka lono o ke kaulana o Kalaniali'iloa, ke ali'i o  
Kaua'i, i ka ho'opāpā. I ka lohe 'ana o Kānepōiki i kēia,  
'upu a'e ka mana'o e huaka'i i Kaua'i a ho'okūkū 'o ia.  
"E a'o kāua," kāna i 'ōlelo aku ai i kāna wahine.




Ma muli o ke noi mau 'ana o Kānepōiki, 'ae aku nō 'o Halepākī. Hala a'ela he wā lō'ihī, pa'a na'au nā 'ōlelo ho'opāpā a pau, koe 'elua mea i 'ike 'ole 'ia e Halepākī. 'O ia ka moku kele i ke kai a me ka 'āina nui o ka makani.



I ka mākaukau 'ana o ka wa'a o Kānepōiki a me nā lako ho'opāpā āna, iho lāua i kai. Nui ko Halepāki hopohopo i ko Kānepōiki 'ike 'ole i ia mau mea 'elua. No laila, ua koi akula 'o ia i kāna kāne e kipa i kona kaikua'ana, iā Kalaoa ma Hilo. Ma laila e a'o ai 'o Kānepōiki i ia 'ike i loa'a 'ole iā ia.





Eia na'e, aloha akula 'o Kānepōiki iā Halepākī a holo akula nō i Kaua'i. Inā ua hele i Hilo, inā a'o pono 'ia, akā 'a'ole na'e 'o ia i 'ohi i ka 'ike e pono ai.

Eia kā Kānepōiki 'ōlelo ma mua o kona ha'alele 'ana:

E ka wahine, ke hele nei au e hō'ike i ko'u 'ike a me ko'u akamai āu i a'o mai ai ia'u. Inā nō ho'i i pā lākou lā ia'u, ho'i kino mai au a 'ike hou kā ho'i au i nā maka ou e ka wahine. Akā ho'i inā pā au, a laila, 'o ka 'ike 'ana ihola nō kēia, no ka mea, he make ko laila.

Inā 'oe hoihoi i nā mokuna 'ē a'e no Kalapana, e e'ee ma  
[www.huiheluhelu.weebly.com](http://www.huiheluhelu.weebly.com)